

## EW NAMOPUNG

A forata Annukun Uttut non Chuuk, a ataeno Sapun 1, Itenap 21 me non ewe Truk District Code fan asengessin uttutun Legislator, a ekkesiwini Annuk No. 27-20 ren kaworen monien uttut atapwanapwan me uttutunap, a pwan awora ukukun \$10,000, me pwan ren ekkoch popun.

## EPWE PUNG ME REN EWE TRUK DISTRICT LEGISLATURE PWE:

Tetten 1. Itenap. Ei annuk epwe iteni "Annukun Uttut Forun 1978."

Tetten 2. Tufichin Fout. Emon me emon aramasen Trust Territory mei tufich an epwe fout non fansoun uttut mei fis non Chuuk fan pungun ei annuk, ika pwe i mei fori ekkei meinisin mei tettenitiw fan:

- (1) a tori ier engon-me-wanu, ika fen nap seni;
- (2) a fori pungun ewe aukukun nonnomw non ew neeni ren an epwe tongeni richister;
- (3) ese ngaw non mokuran ese pwan umwes;
- (4) esemwo nomw non ewe tettenin mei nomw fan nemenien tipis, nge mei chok kepichino fan pwonen epwe föfförösch me siwin sefaan, ika esemwo nomw non kanopus ren tipis watte me ren ew ekkewe court non Trust Territory ika court mei nomw fan nemenien Muun Merika; pwan
- (5) a fen richister ren an epwe fout non uttut fan pungun kapasen ei annuk.

Tetten 3. Uttut Epwe Mwonomwon. Meinisin uttut non Chuuk mei fis fan pungun ei annuk epwe non mwonomwon. Makken non taropween fout epwe fis non neeni mei mwono-seni mesen aramas, ekkewe choon nemeni ewe angangen uttut, ekkewe choon massa choon uttut me ekkewe repwe fout. Choon nemeni angangen uttut, epwe wiseer ar repwe tumunu an esap pwaano an ekkewe choon fout ari non nour kewe taropween fout, pwan isannong non ewe pworun uttut non mwonomwonono ren an esap pwä makken non ewe taropween fout.

Tetten 4. Uttut Atapwanapwan-Wiis Mei Pöön-Ammasowan.

(1) Nupwen ewe choon assain ngeni ewe wiis Kepina ika Kisin-Kepina ese winneni faik-me-nimu persentin choon fiti uttut, ika, nupwen ruomon choon assain ngeni ew wiis re-chok nonnono ren ukukun tekian ar fout, ewe Kepina epwe akkööu ew uttut atapwanapwan nefinen iniek raan me murin katouun pungun ewe uttut.

(2) Nupwen, ew ier ika nap seni me mwen muchunoon ew kinikinin wiis nge a pöönuno ew wiis non ewe Legislature, ewe Kepina epwe akkööu ew uttut atapwanapwan ren ammasowen ewe wiis. Ewe taropween akköön uttut atapwanapwan

seni ewe Kepina epwe affatatiw atun ewe uttut, atun an epwe kesip angangen richister ren ewe uttut, pwan ukukun nangatamen an choon assain repwe ammasou nour taropwe tori an epwe kesip. Non uttut atapwanapwan meinisin ren ammosowen wiis mei pöön me non ewe Legislature, epwe chok fiti pungun kapasen ei annuk.

Tetten 5. Uttutun Muun Fonu. Nupwen mei wor masowen noun Muun Fonu Chater ika annuk mei fiu fongon, ewe Election Commissioner, epwe wisen auwonam woon meinisin ren tumunun me nemenemen uttut meinisin, angangen richisterin choon uttut, angangen annean fout meinisin, me appioon pungun uttutun district me uttutun muun fonu mei fis fan pungun ekkewe annukun district, chater me annukun muun fonu ese fiu ngeni kapasen ei annuk; NGE, ika pwe esewor annukun district, chater ika annukun muun fonu fan asengessin uttutun district ika muun fonu, IKA, esewor annukun district, chater ika annukun muun fonu e affatatiw napanapen uttut, angangen annean fout ika appioon pungun uttut, ewe Election Commissioner epwe pusin fori ekkoch sakkun annuk ren mwokutun ekkewe sakkun ren pekin uttut, epwe pwan usum chok kapasen ei annuk, epwe pwan enenia mwokutukutun non ewe neeni non ewe fansowen, nge meinisin ekkei repwe pochokuneni pochokunen annuk.

Tetten 6. Moni-Tou Ren Uttut. Moni tou meinisin ren meinisin uttut mei fis non Chuuk fan pungun ei annuk epwe tou me ren ewe Muun Chuuk.

Tetten 7. Aean Pisekin me Nenien Mam me ren ekkewe choon assain.

(1) An muun kewe nenien appio mei tongeni suuk ngeni ekkewe choon assain ar repwe aea, tiwenon chok non ewe rasain uttut, fan pungun annuk ika mochenin ewe Election Commissioner ika pwe esewo nomw non annuk porausen ewe sakkun. Ewe Election Commissioner epwe anonnopoku chok aean ekkewe pisek ika neeni me ren ekkewe choon assain. Nge ika pwe ewe Election Commissioner esap tongeni awora ewe tufich non nonnopok ngeni ekkewe choon assain, iwe meinisin ekkewe choon assain resap fen aea. Emon me emon ekkewe choon assain epwe esine ngeni ewe Election Commissioner pwe epwe sinei, esap mang seni ukukun 24 asa me nwan ewe atun a mochen aea ewe nenien appio. Ika esewor kapasen esinesin ngeni ewe Election Commissioner ren aean ewe nenien appio non ewe fansowen mei affat, iwe ewe choon assain esap chiwen tufich ne aea an muun we nenien appio.

(2) Esap pwan wor nenien me pisekin Mam me nukun ewe nenien appio epwe mumu ngeni choon assain ar repwe aea.

Tetten 8. Taropween Annetata Epwe Wor Pwon Ren. Taropween annetata epwe kawor fan pungun ei annuk epwe wor pwon ren fan mesen emon nouwiis ika ewe a wisen mumuta an epwe appwona ewe aramas.

Tetten 9. Tipisin. Ion aramas e ataa'i och kapasen ei annuk ika meet sakkun annukun angangen uttut mei for fan pungun ei annuk, esemwo awora tipisin puratiw non, ika ion e fout fan ruu ika nap seni fan ew, ika satuni ne fout fen nap seni ew, ika afitikokou mwokutun ewe uttut, epwe tipis won ukukun esap nap seni nimepuku chana an pakking, ika esap nangatam seni ew ier an epwe kanupus, ika fen ir ne ruu ekkei tipis.

Tetten 10. Anuokusu ika Mooni Choon Fout. Ioon aramas e (1) anuokusu, non ese nifinifin napanap, ika afanga emon choon fout an epwe fout ika an esap fout non ewe atun uttut, ika an esap fout fan iten emon aramas non ewe atun uttut, ika (2) ngeni emon choon fout och moni ika niwinin an we fout, ika napanapen satuni ne mooni an we fout, ika mooni an epwe siwini an we fout, epwe pakking woon ukukun esap nap seni engorou chana, ika kampus non ukukun esap nangatam seni ew ier, ika fen ir ne ruu ekkeve tipis. Ev ne ew ekkewe kafang, enniwa, ika kamo fout epwe imuno tipis.

Tetten 11. Kinikinin Mesien Uttut. Kinikinin nenien uttut non Chuuk epwe ekkewe mei foruno ne ren Saput II ne non ewe Charter noun Muon Chuuk.

Tetten 12. Finitaan Choon Uttut Ngeni Wiis Epwe seni Tungor non Taropwe.

(1) Finitaan choon repwe uttut ngeni ekkewe wiis mei tongeni fis seni taropween tungor me ren pusin ewe choon uttut ngeni ewe wiis, ika me ren nimmon aramasen ewe neeni ir mei rechister ar repwe fout, fan pungun ai annuk, ir mei pwan mumuta ne ren pusin ewe choon assain ar repwe fori ewe taropween tungor. Taropween tungoren finitaan choon uttut ngeni wiis epwe for me ren ewe Election Commissioner, epwe affatatiw non pwe ewe choon uttut ngeni ewe wiis, epwe pwan affat iten ewe wiis. Ika pwe ewe sainen it a chok usun mesen "X" ika och sakkun napanapen erier, ika sain non kapasen Japan, iwe ewe sainen it epwe pwan affateochuno non kapasen Chuuk ika Merika, fiti fongon me an emon choon pwarata sainen itan non kapasen Merika ika Chuuk. Taropween Tungor ren finitaan choon uttut ngeni wiis epwe fori ika ammasou ren ewe Election Commissioner, ika ewe, ika ekkewe a finata pwe siwinin.

(2) Taropween Tungoren finitaan choon uttut ngeni ewe wiis Kepina ika Kisin-Kepina epwe sain me ren esap chokukkun seni nime aramas meinisin ir mei rechister pwe repwe fout fan pungun ei annuk.

(3) Taropween Tungorun finitaan choon uttut ngeni ewe Legislature epwe sain me ren esap chokukkun seni ruwe-me-nimmon aramas, meinisin ir mei rechister pwe repwe fout fan pungun ei annuk, non ewe Kinikinin Nenien Uttut, ikeweie ewe choon uttut ngeni wiis e assain me ie.

Tetten 13. Makketaan Iten Choon Uttut Ngeni Wiis Woon Taropween Uttut. Ewe Election Commissioner epwe chekiochu taropween assain meinisin ren an epwe sineiochu ika mei wor neir ese aunusa êkkewe tufich ren uttut ngeni ewe wiis. Ika emon choon assain ese aunusa ekkewe tufich, iwe itan esap tongeni makketa non ewe taropween uttut. Meinisin sainen it non ekkewe taropween assain epwe annenet. Meinisin taropween assain epwe cheksefaan me ren ewe Election Commissioner, nge ika ese pung masowen non, iwe repwe katuruno.

Tetten 14. Fansoun Ammasou Taropween Assain-Niwinin. Taropween assain epwe ammasou non ei napanap:

(1) Esap nap seni 180 ran pwan kisiseni 60 raan me mwen ranin uttut, tiwenoon chok ren meet mei affat non Tetten 33 me non ei annuk; Nge, ren ewe Aewin Uttutunap, taropween assain epwe ammasou esap kisiseni iniik raan me mwen ewe raanin uttut;

(2) Epwe pwan kamotiw fiti ewe taropween assain ukukun nime chana ren ewe wiis Kepina ika Kisin-Kepina, ruwe-me-nimu chana ren ewe wiis Legislator. Ewe Election Commissioner epwe ngeni meinisin ekkewe niwinin taropween ammasou ngeni wiis ren ewe Meinapen Putaen Moni ren an epwe pwan assou ngeni monien angangen uttut atapwanapwan me uttutunap epwe fis murin; pwan

(3) Ika ekkewe taropween assain a tori ewe Ofesin Election Commissioner, iwe ewe Election Commissioner epwene affatatiw woon ekkewe taropwe ew raan, kunok me minich a tooto non ewe ofes.

Tetten 15. Ofesin ewe Election Commissioner.

(1) Ewe District Administrator non Chuuk, i epwe wisen Election Commissioner tori ewe fansoun ewe Kepina a angei an pwonon wiis. Iwe non ena atun, ewe Kisin-Kepina epwe wisen Election Commissioner.

(2) Ewe Election Commissioner epwe i ewe meinapen pekin uttut non unusen Chuuk fiti wisan kewe me an kewe pochokun ren fan asengesin richisterin choon uttut me napanapen angangen uttut epwe affat me ren ei annuk.

Tetten 16. Wisan me An Pochokun. Inamwo ika ese pwan wor sotosopun niwinin, ewe Election Commissioner epwe wisen neme-napeei mwokutukutun me angangen uttut, pwan fori sakkopaten angang epwe kawor me ren annuk, epwe pwan pachenong, nge esap pwan chok aukuk ngeni:

(1) Epwe fini choon ekkewe Election Boards usun a affat me ren ei annuk;

(2) Epwe forata pusin an annuk, ika atoot ika amwokut ren fan asengesin angangen uttut, pwan pachenong fan asengesin ekkewe taropween fout ren choon uttut rese nomw non pusin nenier;

(3) Epwe finata pwan fori napanapen me taropween fout epwe kawor, taropween aiti ngeni aramas tichikin poraus, puken fout, taropween annea fout, me pwan meet sakkun taropwe mei wenengeni an epwe kawor fan pochokunen kapasen ei annuk ren fan iten ekkewe choon assain, boards, committees me choon fout, iwe ekkei meinisin epwe kawor ngeni ewe Election Board;

(4) Epwe apochokuna kaworen repot me ren ekkewe Election Boards ika pwe mei apochokun me ren annuk, ika seni pusin mefian;

(5) Epwe cheki meet sakkun napanapengawen non ewe uttut mei pwaano, ika meet sakkun taan ewe annukun uttut mei fis, fan pungun kapasen ei annuk;

(6) Epwe finata nenien uttut me non ew me ew ekkewe kinikinin uttut non Chuuk, pwan affatano ewe neni an aramas repwe fout me non ewe nenien uttut, fan tungoreen me memmeef an ewe Election Board non ewe kinikinin uttut;

(7) Epwe wisen angei ekkewe taropween tungoren choon uttut ngeni wiis me iten ekkewe choon uttut ngeni wiis epwe attetenitiw non ewe taropween uttut non tettenin ekkewe mesen mak (A B C . . .);

(8) Epwe richisterini iteiten choon repwe fout meinisin seni ewe kinikinin nenien uttut, iwe a fori ew pukenapen iten choon tufichin uttut ra fen richister non unusen Chuuk, usun a affat me ren ei annuk; pwan

(9) Epwe awora, seni ewe pukenapen iten choon uttut, iteiten choon uttut ra richister, ngeni ew me ew ekkewe kinikinin nenien uttut me mwen ewe atun uttut.



---

Tetten 17. Pukenapen Iten Choon Ra Richister Epwe Nomw Ren Ewe Election Commissioner. Ewe Election Commissioner epwe richisterini choon repwe uttut non eu pukenapen choon Richister ren fan iten Chuuk. Ewe Pukenapen Richister epwe ew ika ruu kinikin ngeni ew me ew kinikinin Nenien Uttut, epwe attettenatiw iten choon fout non tettenin ekkewe mesen mak (ABC...) Ewe Pukenapen choon Richister epwe kinikinitiw non ukukun pwan iteiten ekkewe kinikinin nenien uttut non Chuuk, fongon me tettenin iten ekkewe kinikinin nenien uttut. Ewe puk epwe nomw ren ewe Election Commissioner, iwe fansoun meinisin nupwen kunokun angang, epwe mumu ngeni chon mochen katon, iwe epwe ew puk ren fan iten meinisin. Ewe puken richister epwe pusin for ika mak non napanapen me ren ewe Election Commissioner. Ewe Pukenapen Iten Choon Uttut epwe moneta an aramas repwe kuna pwan kakkaton masowan 60 raan me mwen ewe uttut.

\* Tetten 18. Ekkesiwini Iten Choon Uttut-Ataeno iten choon Rese Tufichin Uttut.

(1) Ewe Election Commissioner epwe chekifichi, esap mwochomwooch seni onu maram me mwen ranin uttut, tichikin porausen ioon mei maano, ioon mei umwes, ioon ese chiwen aramasen ew neni, me pwan ekkoch sakkun tufichingaw ngeni uttut, ren ekkewe ra fen richister, ika e nuku pwe ra fen richister. Epwe awora pusin an angangen chosani ekkewe mettoch-ren an epwe tongeni pwaata pungun ika mwanin, iwe ika mei fen nomw ewe aramas, epwe esine ngeni poraus ren an epwe pusin annetata ngeni ewe Election Commissioner. Ika a pwano murin pwe a fis ew ekkewe napanap ngeni ewe aramas a fen richister itan, iwe ewe Election Commissioner epwene ataeno iten ewe aramas me non ewe Puken Richister.

(2) Ewe Election Commissioner epwe pwan isoni ekkewe tichikin poraus ren ekkewe choon uttut fan asengasin ekkeei mei affat non ei Sapun, ren an epwe ngeni ekkewe mi mumuta ar repwe wisen fori pwonen annetata won nour taropwen richister pwe repwe sinei ekkewe poraus ar rese chiwen tufichin fiti uttut.

(3) Ioon aramas itan a kataano me non ewe puken iten choon uttut fan pungun ei annuk mei tongeni tungor non napanapan mei pwan affat me ren ei Annuk ren an epwe for sefaan.

\* Tetten 19. Election Board-Forutaan-Finitaan Choon. Ewe Election Commissioner epwe finata, fiti aurour me mefien ewe Speaker non ewe Legislature, choon ekkewe Election Board non ew me ew ekkewe kinikin nenien uttut, repwe wiis won ekkewe board tori ar ra pusin mochen wes ika tori inet siwiniir ra finita.

Choon ekkewe Board epwe ir aramasen Trust Territory, mei pwan richister fan  
pungun ei annuk, iwe repwe pwan chommong ren ar repwe tongeni naaf ngeni an epwe  
emon ngeni ew ekkewe iteiten nenien uttut. Esap wor emon choon election board  
epwe fori angangen kampein nupwen i mei nomw won ewe board.

Tetten 20. Wisem me Pochokunen Choon Election Board. Emon me emon choon  
ekewe board epwe ikkeei ar pochokun me wiseer:

- (1) Fori meinisin wiseer mi kawor me ren annuk;
- (2) Tumunu me nemeni nenien uttut;
- (3) Angei, tumunu, isoni porun uttut, nookun pworun uttut,  
maap, taropween tichikin kapasen aiti ngeni aramas  
porausen napanapen met repwe fori, me pwan sakkun mettochun  
me pisekin angangen uttut;
- (4) Awora kapasen aiti ngeni aramas porausen met repwe fori  
ren mwokutuochun ewe uttut;
- (5) Atou puken me taropween mwokutun ewe uttut;
- (6) Nengenieochu me cheki pungun me ngawen taropween tungoren  
uttut ngeni wiis me pwan ekkoch sakkun mettoch ewe Election  
Commissioner epwe akkunou ngeni choon ewe board repwe fori  
fan itan;
- (7) Angei me finano porun uttut mei nōk, kesipochuno, ngeni ewe  
Election Commissioner;
- (8) Angei, choosani, em atou pungun met kompnein mei katonong  
ngeni ewe board ren mwokutungawen ewe uttut, pwan afata metekewe  
tufichin an emon nonnomw non eu neni ren an epwe tongeni uttut,  
nge ekkewe pungun kompnein epwe pwan wor angang sefaan woon  
fan pungun Tetten 58 me non ei annuk;
- (9) Finata ngeni ewe Election Commissioner nenien uttut non ekkewe  
kinikinin nenien Uttut, ikeweie epwe kon nenioch ngeni aramas  
meinisin;
- (10) Pwan fori met sakkun wiis epwe affat me ren annuk ika for me ren  
ewe District Commissioner; pwan
- (11) Richistereini choon uttut.

Tetten 21. Nenien Richister me Fout.

(1) Ioon aramas a tori engon-me-wanu ier ika ierin epwe tori emong-me-wanu non ewe raanin me mwen ewe raanin uttut, ika a fen nonnomw non ukukun tiwu maram non Trust Territory, a pwan nonnomw non ewe nenien uttut unungat maram me mwen ewe fansoun richister, ika i a fen pwan tufichin uttut tiwenoon chok ren ewe tufichin nonnomw non ewe neeni ren an epwe tongeni uttut, mei tongeni richister ren an epwe fiti uttut non ewe neeni e nonomw ie.

(2) Ewe Election Commissioner epwe finata menni me non ewe kinikinin nenien uttut epwe tongeni fis ewe angangen richister ren choon fiti uttut.

(3) Esap wor emon aramas epwe richister an epwe fiti uttutun ew nenien uttut me nukun ikeweie e nonomw ie. NGE, ika a mwaanino pwe iten emon aramas a fen mak nein iten choon ew neeni, nge ese chiwen nomw nein iten choon pukun nenianwe, i mei chok pwan tongeni fiti uttut non nenian ewe inamwo ika itanwe ese nomw nein ekkewe iten choon uttut non pusin nenianwe, iwe choon ewe Election Board non ewe neeni repwe esine ngeni ewe Election Commissioner usun mwaninooon makken it pwe epwe makkese faninong itan nein itan choon nenianwe ren uttut murin epwe fis.

(4) Ika emon aramas e sou nonnomw non nap seni ew neeni, iwe epwe pusin finata menni neeni epwe richister non, pwe ren an epwe richister epwe chok richister non ewe neeni.

Tetten 22. Epwe Pung Napanapen Richister. Esap wor aramas epwe tongeni fout non ewe nenien uttut ika nomw itan non ewe pukenapen iten choon uttut non Chuuk ika non ewe ekkewe kinikinin uttut ika pwe ese fori pungun napanapen richister fiti pungun ekkewe tufich mei affat non ei amnk.

Tetten 23. Taropween Tungoren Richister-Pwon. Io aramas a tongeni fiti uttut epwe tongeni finata neeni epwe makkenong itan epwe fiti uttut ie, epwe pusin feito ngeni ekkewe nenien makken itan choon fiti uttut non atun kunokun angang ren choon ewe Election Board (ir ra angei pochokuman ar repwe fori angangen pwon ngeni aramas) ika ioon kewe aramas a mawuta non amnk pwe repwe fori angangen pwon ren an emon epwe tongeni fiti uttut. Emon choon mochen angei noun taropwe epwe ammasowa noun taropween tungor, epwe iei usun masowen:



TAROPWEEN PWON  
REN MAKKEN IT

Trust Territory of the  
Pacific Islands )  
District)

1. Unusen itei \_\_\_\_\_.
2. Uwa uputiw non \_\_\_\_\_ non ewe \_\_\_\_\_  
raanin \_\_\_\_\_ non ewe ier \_\_\_\_\_.
3. Ieri \_\_\_\_\_ . 4. Uwa nonom non \_\_\_\_\_.
5. Ai angang \_\_\_\_\_.
6. Ngang emon aramasen Trust Territory of the Pacific Islands.
7. Ngang uwa winiti wesewesen aramasen Trust Territory of the Pacific  
Islands non \_\_\_\_\_ District woon ewe \_\_\_\_\_ ranin \_\_\_\_\_  
19 \_\_\_\_\_.
8. Uwa nonnomw non Trust Territory of the Pacific Islands (ika non Chuuk)  
esap kis seni tiwu maram; pwan non ewe Election District No. (Ika ewe  
nenien uttut no.) \_\_\_\_\_ esap kis seni unungat maram murin chok  
ei pwinin maram uwa makkeinong itei, upwe apasa non ei pwinin  
maram \_\_\_\_\_ 19 \_\_\_\_\_.
9. Ngang use nomw non ekkewe tettenin tipis (parole, probation) ika tipis  
ren ekkewe tettenin tipis watte (fellony) non ew kapung non Trust  
Territory ika tettenin kapung mei nomw fan pochokunen United States.
10. Ngang use nomw non tettenin mei ngaw mokurei ika umwes.
11. Uwa pwon pwe ekkei poraus a mak asan mei pung, Kot epwe anisiei.

Pwarata pwan pwan fan mesei non ei \_\_\_\_\_ ranin non  
\_\_\_\_\_ 19 \_\_\_\_\_.

Ewe choon ammasou noun application epwe aturau ekkewe poraus ese fat  
ngeni usun nge epwe chok pwan woon ekkewe poraus mei ennet a pusin  
sinei me non noun we application. Ika ewe aramas a wisen ani ewe pwan  
ngeni ewe emon usun porausen noun ewe application a mefi pwe epwe  
kuta fichi pungun masowen ewe application ren epwe nukunuk ren iwe  
epwe tongeni kori choon pwarata ren.

Tetten 24. Choon Richister. Ekkewe taropween pwonon ren richister epwe  
titino ngeni ekkewe a mumuta ngeniir ar repwe wisen cheki an ekkewe repwe fiti  
uttut tufich esap kisiseni 90 raan me mwen ewe uttut.

Tetten 25. Katonongen Iten Choon Uttut non ewe Pukenapen Iten Choon Uttut non Chuuk.

(1) Ika ewe aramas mei mumuta ren an epwe wisen angei ika cheki taropwen pwonon richister a kuna pwe ewe aramas mei tongeni fiti uttut, iwe epwe nampani ewe taropwen pwon, iwe epwe tinano ren ewe Election Commissioner pwe epwe atononga non ewe pukenapen iteiten choon fiti uttut epwe pwan pachenong ekkei poraus a mak faan:

- (a) nampan ewe taropwen pwon;
- (b) pwinin maram a foor ewe taropwe non;
- (c) iten mine noun ewe taropwe;
- (d) an angang
- (e) ierin
- (f) ika meon chon nukun nge a winiti aramasen ewe neni fan pungun annuk, ewe pwinin maram a winiti chon ewe neni
- (g) nenien an nonom; pwan
- (h) pwan sakkun poraus ewe Election Commissioner a mochen sinei, mei auchea.

(2) Ewe Election Commissioner epwe pwan atononga iten ekkewe re fen richister epwe maketiwi non pungun tettenin mesen mak, epwe fat nenien me non ewe pukenapen iten choon uttut. Emon choon uttut a piin mak itan akkom esap pwan mak sefan itan ren ekkewe uttut epwe fis murin, nukun chok ika a ekkesiwin itan me nenian, pwan ika ese chiwen wor ren ekkewe tufichin fiti uttut, pwan ika pwe taropween iteiten choon tongeni fiti uttut a taano ika poutuno, ewe Election Commissioner epwe mutata makesefaanin itan ekkewe ra tongeni fiti uttut.

(3) Ewe Election Commissioner epwe isoni ekkewe taropwe non tetteniochun nampan, non ewe neeni epwe mecheres ren an aramas repwe katon.

Tetten 26. Richister sefaan. Io aramas a siwini an nenien uttut ngeni pwan ewe ika siwini itan me murin a fen piin mak itan non ewe pukenapen iten choon uttut, epwe tongeni mak sefaan itan non menni nenien uttut a mochen siwin ngeni, fiti pungun angangen maken it, iwe ewe Election Commissioner ika io a siwinitiw non ewe wiis epwe ne atou, arieno ruofoch main woon ewe it epwe katou, iwe a pwan sainetiwi itan pwan ewe pwinin maram a foor ewe ekkesiwin non, nge ei napanap ren ekkesiwini it me neeni esap mumuta an epwe foor nefinen tiwe raan me mwen ewe uttut.

Tetten 27. Choon Fiti Ekkewe Uttut Mesemwan Ra Wes ne Richister.

Meinisin ekkewe choon uttut a mak iter ra fen piin fiti ewe aewin uttut ren ewe Congressin Micronesia a fis mesemwan non ika murin January, 19, 1965, ika ewe July 12, 1978, Referandum on ewe Constitution ren ewe Muun Federated States of Micronesia, resap pwan chiwen richister sefaan, nukun chok ika a wor kasiwin ren iteer ika nenieer, pwan nukun chok ika mei wor popun ese fiti pungun makken it; nge ika pwe taropween makken iten choon uttut a taano ika poutuno, ewe Election Commissioner epwe mutata richister sefaan.

Tetten 28. Esap Wor Richister. Esap wor richister ren ekkewe mei nomw non sukun Chuuk ar repwe pusin etto fan inisiir, nge mei chok tongeni tungor nour kewe taropwe epwe usun chok ewe a pwarata non Tetten 23 me non ei annuk, ewe Election Commissioner epwe fori ren an ewe aramas epwe tufichin fiti uttut. Emon choon tongeni fiti uttut mei tongeni epwe awora an memmeef ren meet ese tipeew ngeni ren ewe taropween fout non ewe fansoun a katonong ekkewe taropween fout, usun mei affat me ren ei annuk.

Tetten 29. Ennetin Taropween Uttut, Tipisin Apiru Taropween Uttut.

(1) Meinisin uttut mei fis fan pungun ei annuk epwe fis non wesewesen ewe ennetin taropween uttut. Ewe wesewesen ennetin taropween uttut epwe echo choon taropwe mei maketiwi iten ekkewe aramas epwe wor uttut woor me itan ekkewe wiis repwe uttut ngeni. Ewe Election Commissioner epwe fori ruacho kapiin ewe ennetin taropween uttut epwe titino ngeni ew me ew ekkewe nenien uttut epwe mak non mesen mak watte, epwe fanen ink epwe fanösch me non anuwen ewe taropwe, epwe mak ei kapas "Anapanap." Ruacho(2) kapiin ewe anapanapen taropween uttut epwe titino ngeni choon ewe Election Board fengon me ewe wesewesen ennetin taropween uttut non chok ew fansoun, iwe ra kapacheta woon asamen ewe nenien uttut ika iaan epwe pwäeoch ngeni mesen aramas.

(2) Ioon aramas mei pusin sinei ika wewe ngeni e apiru ne makkei ika fori kapiin, ika einet are fori an epwe chommongono kapiin ekkewe taropween uttut mei arapakan wewe ngeni ekkewe wesewesen ennetin taropween uttut, ren an epwe rukofongon me ekkewe ennetin taropween uttut, nge ese angei an mumuta me ren ewe Election Commissioner, iwe epwe tipis non tettenin tipis kukkun.

Tetten 30. Masowen Ewe Taropween Uttut. Masowen ewe taropween uttut, epwe mak itan ekkewe aramas me ekkewe wiis repwe uttut ngeni me itan kinikin

nenien uttut epwe fis ie, pwan nangatamen ewe wiis epwe uttut ngeni. Epwe wor echo taropween uttut ren ewe wiis Kepina me Kisin-Kepina pwan echo ren ewe wiis Legislator.

Tetten 31. Forun me Einetin Taropween Uttut.

(1) Ekkewe taropween uttut epwe for fan amwokutuwen ewe Election Commissioner non niwinien ewe Muun. Ewe Election Commissioner epwe anafa ekkewe taropween uttut ngeni ew me ew ekkewe nenien uttut.

(2) Esap kis seni engon raan(10) me mwen ewe uttut, ewe Election Commissioner epwe fori eoch anapanapen taropween uttut, iwe a tinano kapiin ngeni choon ekkewe Election Boards pwan ngeni ekkewe choon uttut ngeni wiis, epwe titino ngeni denieer kewe mei affat me non ekkewe taropween assain, iwe choon ekkewe boards repwe apachata kapiin ei napanapen taropwe non ar office me ia aramas repwe pwan kuna me ie.

Tetten 32. Katanoon Itan Choon Assain, Taropween Esinesin, Forsefaanin Taropween Uttut me Niwinin.

(1) Mei tufich an emon candidate epwe atou itan we me non ewe taropween uttut me mwen ewe uttut nge epwe makkei ngeni choon ewe Election Board ika ngeni ewe Election Commissioner, menni nein chok a mecheres ngeni non ewe kinikinia senien uttut ewe neeni ewe candidate a angei noun taropween assain me ie. Ika emon candidate a mochen atou itan murin an a fen foruno ekkewe taropween uttut, ewe Election Commissioner epwe aturano itan we pwan itan ioon a fen pwan mano, iwe mei tongeni okkunou ewe Election Board non ewe senien uttut an ewe choon assain a katou itan, epwe make-ngeni ewe Election Board toon ewe it me maanoon ewe choon assain me mwen ewe ranin uttut, iwe a kapacheta non ewe nenien uttut.

(2) Ika emon choon assain a mochen atou itan murin engon-me-ruu raan mwen ewe uttut, ekkewe taropween uttut a nukenapan an foor ika a fen wes ne foor, nge ewe Election Commissioner ika ewe Election Board ra ekieki pwe mei auchea an epwe for sefaan ekkewe taropween uttut non an epwe katano iten ewe choon assain me non ewe taropween uttut, tiwenoon chok ika katoun iten choon assain mei feito seni an samau, mei kapunguno seni tokterin Pioing, iwe ewe choon assain e forsefaan ekkewe taropween uttut ren, epwe wisen monatiw niwinin forsefaanin ekkewe taropween uttut, epwe kamotiw nefinen one raan me murin ewe atun a katou itan ewe choon assain me non ewe taropween uttut. Monien epwe kamotiw ngeni ewe Meinapen Putaen Pekin moni, ren an epwe nonw ren ataween angangen uttutunap ika uttut atapwanapwan murin.

(3) Ika emon aramas a fori ika ekiekin fori och napanapen afanga ika anuokusu emon choon assain ren an epwe atou itan seni ewe uttut, epwe tongeni tipis ren ewe foffor, epwe pakking woon ukukun esap nap seni ruu-ngorou chana, ika kanupuus non esap nangatam seni ew ier, ika fen ir me ruoch.

Tetten 33. Ekkesiwinin ewe Choon Assain, Katonongen It non Taropween Uttut pwan Taropween Esinesin non Nenien Uttut. Ika a mano, utti sfeaani itan, me pwaano pwe mei tufichingaw emon choon assain murin ewe fansoun a fen ukutiw katonongen taropween ammasou ngeni wiis, ekkesiwinin ekkewe choon assain mei tongeni fis me mwen engon raan mwen ewe ranin uttut. Ewe epwe ekkesiwini ewe choon assain a mano, utti seffani itan, ika ewe mei tufichingaw an epwe assain, epwe pwan chok fori noun taropween assain non napanapen noun ewe i a siwini, fen fori noun taropwe. Ewe Election Commissioner epwe makenong itan ewe epwe siwini ewe a mano, uttut seffan itan, ika tufichingaw non ewe taropween uttut ren an epwe kapachenong, iwe mei tongeni angei ananis me ren choon ewe Election Board ir seni ewe neeni mei wor ekkesiwin ie. Ewe Election Commissioner epwe apachata ewe taropween esinesin non ewe nenien uttut epwe affata iten ewe minefoon choon assain me ewe wiis e uttut ngeni.

Tetten 34. Taropween Uttut Epwe Nomw Tori Sukun Nenien Uttut. Fansoun an foor ekkewe taropween uttut iwe repwe riri-fengon non pinuk epwe ipuku masowen ew pinuk non an epwe mecheres ne uttatiw echo me echo fan ew. Ewe Election Commissioner epwe tinano ngeni monun ewe Election Board non tukutuk, resap suuk tori an suuk ekkewe nenien uttut. Epwe nomw recordun iteiten taropween uttut mei titino ngeni monun ewe Election Board ren ewe Election Commissioner.

Tetten 35. Awewen Choon Resap Uttut non Wesetaan Nenieer-Taropween Uttut ren Choon Resap Uttut non Nenieer.

(1) Ioon a richister iwe a tufichin fiti uttut non uttutunap ika uttut atapwanapwan mei tongeni uttut non ew neeni esap wesetaan nenian ika pwe:

(a) a mwochutiw non imwan ika non pioing ren an samau ika terin inisin a apeti an epwe tufichin feino ngeni nenien uttut, ika

(b) ese tufichin uttut pokiten mei nomw nemataw ika ese nomw non Chuuk.

(2) Ewe Taropween Uttut fan iten choon rese nomw mei wesevesen ~~pungun~~ taropween uttut mei mumuta me non ei annuk ren an epwe ammasou



---

---

me nukun nenien uttut ika mwen ewe ranin uttut.

Tetten 36. Uttut Ren Ekkewe Aramas Rese Tongeni Fetan Ngeni Nenien Uttut.

Ioon mei tufichin uttut pwe a fen richister non ese nifinifin uttutunap ika uttut atapwanapwan, i mei nomotiw non imw ika pioing seni semwen ika terin inisin, mei appeti an epwe feino ngeni ekkewe nenien uttut, epwe tongeni uttut non napanap mei foruta seni annuk forien ewe Election Commissioner. Annukun ei sakkun napanapen uttut epwe affata napanapen uttut ren sakkun ekkei aramas non napanap epwe fis non mwonomwon epwe pwan eppeti an esap wor kirikiringaw ngeni ekkewe taropween uttut me ekkoch napanap mei ngaw ren uttut. Ekkewe mei wor terin inisiir rese tufichin ar repwe esissina non nour taropween uttut, iwe epwe wor choon anisi ne esissina noun taropween uttut. Ei sakkun napanap epwe wor taropween pwarata me pwon ren an epwe fis.

\* Tetten 37. Tungorun Taropween Uttut ren Choon Rese nomw-Masowen.

(1) Emon choon tufichin fiti uttut mei tongeni tungor an epwe nou-nou ekkewe taropween uttut ren choon rese nomw nenieer me ren ewe Election Commissioner; ika pwe a wor ren ekkewe tufich a affat non Tetten 35.

(2) Emon choon tufichin fiti uttut non ewe taropween uttut ren choon rese nomw nenieer mei tongeni tungor esap nap seni 90 raan ika kis seni 10 raan me mwen ewe ranin uttut ngeni ewe Election Commissioner non taropwe an epwe kawor ngeni ewe sakkun taropween uttut pwe epwe fori an uttut non ewe neeni non ewe ranin uttut. Ewe taropween tungor epwe affata nenien ewe emon a uttut me ia, ewe kinikinin nenien uttut, popun an esap nomw non nenian, menni we neeni e mochen noun we taropween uttut epwe titino ia, me pwan kawor sefaanin tufichin an epwe fiti uttut.

Tetten 38. Esissina me Eniwinsefaani ewe Taropween Uttut ren Choon Rese Nomw-Fout non Nenien Uttut ese mumuta.

(1) Ewe Election Commissioner ika ewe Board of Election, menni chok nein, me mwen 10 raan me mwen ewe ranin uttut epwe awora ngeni ewe e tungor taropween uttut ren choon rese nomw non nenieer echo taropween uttut, fuutoon ewe taropween uttut, echo taropween pwon mei for me ren ewe Election Commissioner ika fuutoon ewe taropween uttut epwe titino non. Ewe choon uttut epwe esissina ewe taropween uttut fiti pungun annuk an epwe uttut non mwonomwon, chioon chok ren meet a affat non Tetten 36. Ewe choon uttut epwe isenanong ewe taropween uttut non ewe fuuto, iwe a tukumano. Ewe choon uttut epwe ammosowa ewe echo taropween pwarata an pwon.

Ewe fuutoon taropween uttut me ewe taropween pwon epwene tukutukuno non ewe fuuto epwe niwinno non, iwe epwene titino ngeni ewe Election Commissioner me mwen saponoon kunokun angang, ruwanu raan me mwen ewe ranin uttut, chinoon chok ren meet a affat non Tetten 36.

(2) Mei annuk ren emon a fen wes ne uttut non uttutun choon rese nomw nenieer an epwe pwan uttut non ewe ranin uttut, non ewe nenien uttut. Tetten 39. Anapanapen Ioien Taropween Uttut an Ekkewe Rese nomw non wesen  
nenieer.

(1) Fansoun an tori ewe taropween uttut a mak won, "Taropween Uttut Non Ew Neeni" non ewe atun mei affat non Tetten 38, ren ioon a tufichin uttut non pungun ei annuk, ewe Election Commissioner ika ioon a finata pwe siwinin epwe suuki, ataino ewe fuutoon taropween uttut, iwe a cheki masowen ewe taropwe ika mei pung ika mwan fofforun, pwan cheki ika mei pung pwe mei tufichin uttut me fout. Ika pwe ewe Election Commissioner a kuna pwe ewe aramas a tufichin fiti uttut ren an epwe uttut me non ew neeni esap wesetaan nenian, iwe ewe taropween uttut fiti fengon me ewe envelope epwene tonong non ew por epwe kawor fan asengesin ei wewe. Ewe pworun uttut epwe nukunuk och pwan wor nökun, chinoon chok ew pwaang epwe kawor ren nenien an taropween uttut epwe ketikinong non me iwe epwe mak itan ewe Election Commissioner ika an we wiis, ika ioon ewe a wisen siwini, iwe epwe mak woon; "Ei pwör pworun ekkewe taropween uttut an ekkewe rese nomw non nenieer." Ewe Election Commissioner, ika ioon a finata pwe siwinin, epwe tumunu ekkewe pwör non an we ofes tori ewe ranin uttut, iwe epwap suki, angei ekkewe fuuto, tinano ren ewe committee-in aneani taropween uttut.

(2) Ika pwe a pwädno pwe masowen ewe taropwe ese unus ika sainen ekkewe iit ese wewe fongon, ika ewe choon uttut ese fiti pungun Tetten 38, ika ewe choon uttut ese aunusa ekkewe tufich ren an epwe tufichin fiti uttut, ika ewe fuutoon uttut a fen piin suuk pwan apacheno, iwe ewe Election Commissioner esap tongeni akku ekkewe taropween uttut, nge epwene makkei woon ekkewe fuuto pwe "Koturuno," pwan uwatiw popun, iwe a isoni non napanapan mei affat me ren annuk.

(3) Ika pwe ewe taropween uttut a toto nge a fen murin ewe fansoun mei affat non Tetten 38, ewe Election Commissioner ika ioon a finata pwe siwinin epwe makkei woon ewe fuutoon taropween uttut ewe raan me kunok a angei ewe taropween uttut, iwe epwe tumunu an esap suuk non ewe aukukun fansoun isois mei affat, iwe murin repwe katano nge resap pwan suuk fiti

---

chok met annuk a affata.

(4) Ika fansoun ar angei ewe taropween uttut ren ewe Election Commissioner ika loon a finata, iwe a pwääno pwe, ewe choon uttut a fen wes me uttut, iwe ekkewe choon chek repwene makkei woon ewe Fuuto; "Katuruno," pwan affatatiw popun, iwe a isois ewe fuuto non napanapan fan pungun annuk.

Tetten 40. Uttut non ew neeni.

(1) Emon choon uttut a tongeni uttut non ew neeni non ewe ranin uttut me nukun ian a makkei itan pwe epwe uttut ie ika mei wor ren ekkei mettoch:

(a) mei makkei itan pwe epwe fiti uttut non an we nenian uttut;

(b) a esinei ngeni ewe Election Commissioner non taropwe fisu raan me mwen ewe ranin uttut pwe esap fiti uttut non nenian we, nge epwe fiti uttut non ewe neeni me nukun.

(2) Ika ewe tungoron fiti uttut non ew neeni mei foor fisu raan me mwen ewe raanin uttut, a tori ewe Election Commissioner epwe esine ngeni ewe choon uttut, esap mang seni nimu raan me murin an to ewe tungor non radio ika me sakkun anan mei tufich, usun porausen menni neeni epwe fiti uttut ie. Iwe ika a sinei ina chok ikena epwe mumuta an epwe fout ie.

(3) Ewe Election Commissioner epwe esissina apokun itan emon ewe choon uttut ewe neeni epwe uttut me ia me non ewe pukenapen iten choon uttut. Ei esissin epwe pwarata pwe ewe choon uttut epwe uttut non ew neeni nge esap mumuta an epwe uttut me wesetaan ia a fifiti uttut me ia. Ewe Election Commissioner epwe awera taropween uttut ngeni ekkewe minefoon nenien uttut ren ekkewe a siwin nenien ar uttut ika pwe ir mei fiti pungun ei Tetten.

Tetten 41. Nenien Uttut Epwe Wor Choon Tumunu. Ewe Election Commissioner epwe tumunu an epwe wor monun ewe Election Board ika loon nouwiis a finata pwe epwe tumunu ekkewe nenien uttut non ewe ranin uttut. Epwe ukukun emon chok choon tumunu ewe nenien uttut epwe mumuta an epwe tou seni ewe neeni fansoun a suuk ewe nenien uttut. Mei murino ekkewe imwen suukun me ekkewe imwen muun ika utten fonu epwe aea ren nenien uttut. Esap wor niwinin an ewe uttut aea ekkei neeni.

Tetten 42. Epwe Unus Pisekin ewe Nenien Uttut. Epwe naaf pworun uttut, nookun pwor, taropween uttut, kapas annukun uttut, piin, puken iten choon uttut, taropween mak, me pwan ekkoch pisek auchea.

Tetten 43. Apion Suukun Uttut. Kunok fisu nesosor non ewe ranin uttut, emon monun ewe Election Board epwe apioni non osomong pwe a suuk uttut, iwe epwe suuk tori kunok wonu nekunion non ewe chok raan, iwe murin a kesip ekkewe nenien uttut; Nge ika pwe non kunokun kesipen ewe nenien uttut nge mei chiwen wor aramas non nain non ewe nenien uttut ika pen asamen ewe nenien uttut, iwe epwe chok pwan suuk ewe nenien uttut tori ar wes me uttut, Nge pwan ika pwe meinisin aramas non ewe taropween uttut ra wes ne uttut nge esamwo tori atun kesip, iwe ewe nenien uttut epwe chok kesip ese pwan nifinifin kunokun.

Tetten 44. Appion Iten chon Uttut epwe chek me non Puken Choon Richister. Choon uttut repwe esinei ngeni ekkewe choon tumunu uttut unusen iteer, nenieer, fansoun ar tonong non ewe nenien uttut. Ewe chon tumunu ewe nenien uttut epwe osomong ne apasa itan me nenien emon we. Emon choon tumunu ewe uttut epwe wisen cheki ika mei mak iten emon we, nge ika mei mak epwe apasa itan emon we me nenian. Non ei fansoun, ika epwe wor choon rese tipeni napanapen ewe taropween uttut, iwe mei tongeni atononga, usun mei mumuta ei sakkun fan annukun ewe uttut mei tou seni ewe Election Commissioner. Iwe murin, uttut a tongeni sopesopono fan pungun meet a tou seni ewe Election Commissioner, nge meinisin uttut epwe fis non mwonomwon.

X Tetten 45. Angangen Kampein, Amomo Sakau mei pinepin non nenien Uttut. Esap wor angangen kampein ren an emon epwe etipetipa aramas ren ioon epwe finata, epwe fis non aukukun ipuku feet seni ewe pworun uttut non ewe ranin uttut, esap pwan wor sakau epwe amomo, ika kawor ngeni emon aramas non ewe ranin uttut fansoun mei chiwen suuk uttut. Esap mumuta an emon mei assain ngeni ew wiis epwe nom ipuku feet seni ewe pworun uttut chinoon chok nupwen epwene uttut. Esap wor angangen kampein ika etipetipa aramas woon radio non ewe ranin uttut.

Tetten 46. Choon Katon Uttut Seni Pekin Ekkewe Chon Asain Mi Mumuta. Epwe mumu ngeni emon chon asain ngeni wiis emon noun chon katon ewe uttut epwe nom non ew nenien uttut.

Tetten 47. Nenien Uttut. Epwe chok mumuta emon chon uttut fan ew an epwe nom non ewe nenien uttut ren an epwe uttut. Emon chon uttut esap nom non ewe nenien uttut nangatam seni nimu minute, aukukun chok inet a tawe an uttut.

Tetten 48. Toouun Taropwen Uttut Ngeni Choon Uttut. Fansoun ewe chon uttut a angei noun we taropwen uttut iwe epwe muttir feino ngeni ewe nenien uttut mei amoneta ren an epwe esisina ika ammosowa noun we taropwen uttut.

---

Tetten 49. Esisinen Taropwen Uttut. Ewe chon uttut epwe cheki (✓) ika (X) apokun iten emonewe a mochen utti. Emon chon uttut esap esisina nap seni ukukun ekkewe repwe kefinita ngeni ekkewe wiis. Ika pwe emon chon uttut ese tipeni ekkewe aramas a nom iter won ewe taropwen uttut iwe mei mumuta an epwe pwisin makei itan ion a finata won ewe nain a for fanasengesin ei popun.

Tetten 50. Niwinsefanin ewe Taropwen Uttut. Murin a wes ne sain ika ammasou echo taropwen uttut, ewe chon uttut epwe nomi ren an esap pwano met ewe a esisina non, iwe murin epwe wanong non ewe porun uttut.

Tetten 51. Aninis ren Esisina non ewe Taropwen Uttut. Nupwen a pwa me non ewe taropwen maken iten chon tongeni fiti uttut nupwen an angei ponon ewe taropwen maken itan pwe:

- (1) I ese tongeni aneani ika makei mesen mak, ika
- (2) Pokiten an nipwakingaw an epwe tongeni esisina non ewe taropwen uttut, ika pwe mei pwano non ewe fansoun a fori noun taropwen pwonon an epwe fiti uttut pwe i ese tongeni amasowa noun we taropwe pokiten mi nipwakingaw inisin, iwe epwe kawor choon repwe anisi non ewe fansoun uttut nge esap kis seni ruomon me nein ekkewe chon angang ngeni ewe uttut ekka repwe anisi.

Tetten 52. Katoun echo Taropwen Uttut mei ngaw. Ekkewe chon fori angangen ewe uttut repwe atou ekkewe taropwen uttut mi ngaw mei niwin, iwe repwe eri non ewe taropwe ngeni ink ika pin, iwe repwe ioni an epwe niwin sefan, fiti ekkewe taropwen iteiten chon uttut fengen me nussun taropween uttut.

Tetten 53. Eniwinsefanitoun Taropween Uttut. Emon choon uttut ika ese atononga noun taropwen uttut non ewe porun uttut, iwe mwen an epwe no, epwe eniwini ewe taropwen uttut ngeni emon ekkewe chon tumunu angangen ewe uttut pwe epwe achufengeni me ekkewe taropwen uttut mi ngaw.

Tetten 54. Tumunun Iteiten ekkewe Taropwen Uttut. Ekkewe board non ew me ew nenien uttut epwe tumunu iteiten taropwen uttut mi torir. Taropwen uttut epwe check ren fite iteiten mi amasou fitacho nussun mi niwin sefan, pwan fitacho mi tano ren an epwe pwaano meinisin iteiteer iwe a pwaano iteiten mei tori ewe nenien uttut. Ewe Election Commissioner, murin an angei ekkewe nussun taropween uttut epwe apochokuna kutten iteiten taropwe.



start → \*

Tetten 55. Eis Mefien Emon non ewe Nenien Uttut. Esap wor aramas epwe eis mefien emon ren menni nein ekkewe choon assain epwe utti, nukun chok meet mei affat me non ei annuk.

Tetten 56. Amwokutunoon ewe Pworun Uttut. Nukun chok meet mei affat non ei annuk, esap wor emon aramas epwe amwokutu ew pworun uttut seni ewe nenien uttut me mwen kunokun kesipenoon ekkewe nenien uttut.

Tetten 57. Kapungunoon ewe Nenien Uttut. Murin chok kapungunoon ekkewe nenien uttut, pwan mwen an echo ekkewe taropween uttut epwe mwokut seni ewe pworun uttut ren poputaan anean, ekkewe choon tumunu angangen uttut non ew me ew uttut, nukun ekkewe ra wisen nennengeni mwokutun ekkewe uttut repwene eimuweno ekkewe nussun taropween uttut pachefengen me ekkewe mei ngaw, iwe repwe eri nain non o uwanong non och tukutuk, iwe ekkewe choon tumunu angangen uttut repwe saini iteer meinisin non. Ekkewe taropween uttut, fengon me ekkewe pworun uttut me meet pisekin angangen uttut repwe tinono ngeni ewe Election Commissioner ika io a finita epwe fori ewe wiis fan itan, non menni anemwitirin mei tufich.

Tetten 58. Mwaanin Uttut-Kompnein ren Napanapen Uttut. Ese nifinifin aramas a tongeni fori an kompnein ren mwaanin angangen uttut, epwe fori an kompnein non poraus ika non taropwe ngeni choon ewe Election Board ra nom non ewe nenien uttut. Choon ewe Board ra tongeni koori io ewe aramas mei wor an kompnein epwe awora noun choon pwarata, me tichikin ewe osukosuk, ika mei wor, nge esap wor och, napanap epwe fis ren an epwe eppet i an ewe Election Board atou pungun ewe osukosuk me mwen kapungunoon ewe nenien uttut. Ewe choon kompnein ika mei tonteni ammweta och puung ese tipeew ngeni ren an ewe Election Commissioner ika io a finata epwe siwini. Ewe Election Commissioner ika ioon a finata pwe siwinin epwe chok muttir nengeni mefien ewe Election Board pwan awora choon pwarata ren ewe osukosuk, ika mei namot. Ewe Election Commissioner ika ewe a siwinietiw epwe atou mefian ren ewe osukosuk mwen kesipenoon ekkewe nenien uttut, nge ewe epeek ese tipeew ngeni ponuwen an we mochen epwe tonteni ammweta fan pungun Tetten 71. Ika ewe Election Commissioner ika ewe a siwinatiw non ewe wiis rese nomw non ei fansoun iwe ewe epeek rese tipeew ngeni pungun mefien ewe Election Board mei tongeni ammweta an we osukosuk fiti pungun Tetten 71.

Tetten 59. Amwokutun Ekkewe Pworun Uttut Wesinoon ewe Uttut. Murin wesinoon ewe uttut, meinisin pworun uttut epwe kesipeno pwan nokeno. Ekkewe pwor mei chok me sakkun pisekin angangen ewe uttut repwe ioi fengen ren an ekkewe Election Board repwe tianoo ren ewe Election Commissioner, non napanap epwe tumun ika mutir

---

---

ika mutir ngeni ewe Election Commissioner, iwe epwe annetata non taropwe pwe ekkewe taropween uttut a tori ewe Election Commissioner, iwe meinisin mei ammasou non pungun ei annuk.

Tetten 60. Anean Ekkewe Taropween Uttut-Appioni Pungun, Ewe Election Commissioner fiti mefien ewe Speaker epwe awora ew committiin aneani taropwen uttut, choon ewe mwlich esap kis seni nimon. Ewe committee epwe aneani unusen taropween uttut iwe ra nengeni ika repwe etiwa. Anean taropwen uttut non ewe Chuuk epwe poputa murin an meinisin nenien uttut ra kesipeno pwan sopouloso tori an wes anean meinisin ekkewe taropween uttut. Emon choon uttut ngeni wiis ika io epwe tuppuni epwe mumuta an epwe nom ren ekkewe chon aneani taropween uttut. Wesinon meinisin anean ekkewe taropween uttut non Chuuk, iwe epwe for apion pungun ewe uttut nge esap chok iei punguochunoon pungun anean taropween uttut.

\* Tetten 61. Annetata Pungunoon Uttut. Wesinon angangen ewe anean taropween uttut, ewe Election Commissioner epwe fori an annetata ren pungunoon ewe uttut ren an epwe ne apasa io nein ekkewe choon assain a win.

Tetten 62. Annean Taropween Uttut me non ekkewe fonu nukun ei Noomw me Committiin annea uttut. Non ekkewe kinikinin nenien uttut me won fonu nukun ei noomw ewe Election Commissioner, fiti mefien ewe Speaker, non ewe Truk District Legilsature, epwe finata choon ekkewe committiin annea uttut woon fonu ren ar repwe wisen fori angangen aneani uttut non nenier kewe iwe nge repwe fori ar repot fiti napanap epwe fis ren mochenin ewe Election Commissioner.

Tetten 63. Taropween Uttut Mei Mwan. Meinisin ekkewe taropween uttut mei mwan, pokiten amosowan ese pung epwe ioi fengen, iwe a esissin pwe ikkewe ekkewe taropween uttut ese pung ika mei mwan. Wesinon meinisin angangen ekkewe taropwen uttut, ekkewe taropwe mei mwan repwe katonong non ekkewe pworun uttut, iwe ewe Committiin annea epwe tiniireno ren ewe Election Commissioner fiti fengon me ekkewe taropween uttut mei pung.

Tetten 64. Esissin non Taropween Uttut mei Ngaw. Ika mei wor nouch esissin ika nap seni non ew chok nenien chek ika esissin nukun ekkewe nenien chek ese pwan tongeni an epwe angangawa echo taropwen fout.

Tetten 65. Taropween Uttut mei Ngaw. Emon choon uttut a angei noun taropween uttut nge mei mwan ika ngaw iwe epwe tongeni siwini noun we taropween uttut, epwe angei seni ewe choon tumunu angangen uttut, ewe taropween uttut esap siwin nap seni fan unungat.

- (3) Ewe Election Commissioner epwe finata choon tumunu ewe uttut me pwan ewe uttut non July 12, 1978, uttutun ewe Urenapen Annukun ewe Muun Federated States of Micronesia ika menni chok a murino, chinoon chok esap wor emon choon assain ngeni wiis epwe nouwiis-in ewe uttut.
- (4) Me nukun ekkoch kapasen ei annuk, me ren an epwe sotosopono angangen uttutun ewe July 12, 1978 Referendum, me ewe August 8, 1978 aewin uttutunap, ewe Kepina mei tongeni fori ekkoch annukun uttut fiti pungun Kinikinin-Tetten (1) me non ei Tetten, pwan aea ekkewe ekkoch annuk mei foruta seni Constitutional Referendum Board ren angangen uttutun ewe Constitution of the Federated States of Micronesia.
- (5) Meininis taropween annetata ren taropween tungoren register ren uttut epwe tori ekkewe ir mei mumuta ar repwe wisen cheki tufichin choon uttut meininis, esap kukkun seni 60 raan me mwen ewe Aewin Uttutunap.
- (6) Ewe pukenapen iten choon uttut non Chuuk epwe foor pwan ammoneta esap kukkun seni 40 ran me mwen ewe Aewin Uttutunap ren an aramas repwe katon ika cheki.

Tetten 75. Katano. Sapun 1, Itenap 21 me non ewe Truk District Code, uttutun Legislators, iei a katano.

Tetten 76. Ekkesiwin. Tetten 2 tori 4 non ewe TDL No. 27-20 iei ra ekkesiwin non ei napanap:

"Tetten 2. Ukukun \$7,000, ika fite chok ukukun mei auchea an epwe kawor seni ewe Monienapen Truk District Legislature ren monien ewe uttutunap non Chuuk.

Tetten 3. Ewe ukukun a kawor non Tetten 2 epwe nom fan tumunuwen ewe Kepina, ewe epwe wisen tumunu pwe nounoun ei moni epwe chok fiti pungun met a affat non Tetten 2, nge esap wor moni epwe nounou epwe watte seni met mei kawor. Moni ese nounou non September 30, 1978 epwe eniwinsefaan ngeni ewe Monienapen Truk District Legislature.

Tetten 4. Ewe Kepina epwe awora repotun nounoun ei moni ngeni ewe Truk District Legislature, esap mang seni October 15, 1978, epwe affatatiw unusen porausen nounoun ewe moni mei kawor non Tetten 2, pwan affata ukukun moni mei nonwoto non September 30, 1978."

Tetten 77. Kaworen Moni. Iei a kawor ukukun \$10,000, ika fite mei auchea an epwe naaf seni ewe Monienapen Truk District Legislature ren niwinin angangen


uttutunap me uttut atapwanapwan fan pungun ewe Charter noun ewe Muun Chuuk me ei Annuk.


Tetten 78. Ei moni mei kawor non Tetten 77, epwe feino ngeni Kepina ewe epwe wisen tumunu nounoun ren an epwe chok fiti met mei affat non Tetten 77, esap owan wor moni epwe nounou epwe nap seni ewe ukukun a kawor. Ei moni epwe chok nonom tori an a much ne nounou.

Tetten 79. Ewe Kepina epwe awora an repot ngeni ewe Truk District Legislature me mwen October 15, 1978, epwe affatatiw:


- (1) unusen met a nussuno ~~me non ewe~~ moni mei kawor non Tetten 77;
- (2) awora anapanapen nounoun ewe nussun ese mwo it; pwan
- (3) awora aukukun monien uttutunap me utut atapwanapwan epwe fis murin.

Tetten 80. Ei Namopung epwe poputa pochokunan fansoun an a kapunguno me ren ewe Kepina, ika an a pusin winit annuk.

Annetata seni:   
Datasi Albert  
Legislative Clerk/Secretary  
Truk District Legislature

Sain seni:   
Koichi Sana, Speaker  
Truk District Legislature

Pwinin maram: July 19, 1978

A kapunguno seni:   
Erhart Aten  
Acting District  
Administrator, Truk

Pwinin maram: July 25, 1978